



КОМСОМОЛОНЪ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ИЮНТЬ
17-це шистонза
1941 низоня
67(1863)
Питнец 10 тр.

Комсомольский организационный кровный тевсна

Тундань видемати анокламаса и сонь нюрхкяня пингста и цебарь качества етафтомасонза Мордовский республикань лама комсомольский организация примосесть инь активнай участия, няфнемок сембе колхознай од ломаттнеди и колхозникнеди трудти честнай и добросовестнай отношенинь кепотькст. Тежятыть комсомолец вятеть колхознай масатненъ ётка политико-воспитательнай работа; лувондсть газетат, пачфнезъ сознания-зост партиянь и правительствать решенияснон.

Лама колхоз, етафтомок успешнайста тундань видема кампаниять, получахть тядень кизотъ сталинский урожай.

Пяк оцю и ответственный рольсна комсомольский организациятне сёра урядама кампаниять нюрхкяне пингста и цебарь качества мархта етафтомасонза. Таса комсомолецнеди эряви улемс васенце ряттениъ эса и аф эряви юксенемсянь, што сёротъ эсь пингстонза и юмафксфтома урядамац кемохтасыне колхозненъ экономический ширде, ламолгофтысь синь козашиснон.

Тяниень пингть моли анокламасы хозяйственной работань ответственный кампанияти. Ся колхозсь курукста аделасы сёронь урядаманц, конац мелочень пёс анокта васьфтысь сонь. Кой-кона комсомольский организациятне, шархкодемек тынь, лездыхть эсь колхозснонды инвентарень петемаса.

Ельниковский района «Путь к социализму» колхозонъ комсомольский организациясь активнай участия примоси хозяйственной работатненъ эса. Комсомолецне сембе вийса лездеть колхозти тундань видемать эса, мольтфть и тяниенге мольтфтихть массово-разъяснительнай работа колхозникненъ ётка. Таса ламоц комсомолецненъ эзда работайхть плугарьке, сеяльщикокс. Муштаев, Бирдяев, Черракин, Сабаяев комсомолецне эрь шиня нормаснон пашкоткшнэзъ ламода вельф. Тяниень пингть синь работайхть машинатненъ петемаснон лангса, конат эрвихть сёронь урядама кампаниять етафтоманцы.

Аф калыдята пашкоткшнесыне эсь задачанзон Инсарский районъ «Первое мая» колхозонъ комсомольский организациясь. Тя организациянь комсомолецне Адышкин, Ерочкин и сонь комсомольский организациять секретарец Салмин

ялгасы, ламода вельф пашкоткшнемок выработкань нормаснон, азонкшнэзъ таяк пингть колхозникнеди Всесоюзнай XVIII-це партийнай конференциять исторический решениязон. Тяни кафта комсомолец примосихть участия сёра урядама кампанияти анокламаса.

Сембе вийса работайхть сёронь урядама кампанияти анокламаса Ромодановский районъ лама комсомольский организация. Улихть комсомолец, конат ударнайста работайхть кузнецекс, петезь пцтай сембе инвентарть.

Но ряпок тынь мархта кой-кона комсомольский организациятне аф сатомшкаста занимадкшнихть колхозснон работаснон мархта, юксенесазъ эсь почетнай долгснон пашкодемаснон — улемс социалистический велень хозяйствань передовикненъ рядса, тюремс козя урожайнь сатоманкса. Тяфтамкс лувондовихть Сире-Синдровский районъ Куйбышевть лемса колхозонъ (секретарь Лаптева ялгасы), Кадешкинский районъ Чкаловть лемса колхозонъ комсомольский организациятне, конат мянь тачимс ашихть ширеса колхознай производствать эзда.

Эряви кярмодемс сянди, штоба машфтомс уликс оцю аф сатыксненъ колхознай комсомольский организациятненъ работаса важнейшай участкаты эзда. Эрв комсомолецты инголе почетнай тев — улемс стахановецекс и ударникокс.

Кярмодемс сёронь урядама кампанияти анокламаса работати. Ваномс сембе ли анок, сатомс сянь, штоба сембе инвентарсь улемь петф цебарь качества мархта.

Фкя инь важнай задачкасы, штоба таникиге ушедомс колхозникненъ ётка действенной агитационнай работа, кона лездоль ба трудонь производительность кеподеманцы. Агитационнай работат эса оцю васта должен занямс колхозникнеди трудснон инкса дополнительнай пандомать колга СССР-нь Совнаркомъ и ВКП(б)-нь ЦК-ть постановлениаснон азондомасна.

Опытсь, кона прдаф тундань видемать пингста агитационнай работат мольтфтемаса, эряви использовандамс тяни, улемс тя тевса партийнай организациятнеди надежной помощникос. Эста аныцек комсомолецне оправдансазъ ся оцю довериять, конанц теест максесы большевистский партиясь.

КАСФТТАМА „КОК-САГЫЗ“

Школатъ перес пурометь юннатне, синь ёткост биологичиянь преподавательс Рогачев ялгасы вяти беседа «Кок-сагызъ» касфтоманц колга. Школьникне оцю интереса кулхондыхть эсонза.

Од Выселкань юннатнетядде васенцеда эсь перезост ви-

дестъ тя од культурат эзда, оцю мялса ваныхть сонь мельганза. Рогачев ялгасы вяти мархтост оцю работа, сонь руководстванц ала касфтовихть лама лия культурат.

Г. Лобурев.
З.-Полянский р-н.



Од ломатне сёрматфтыхть судейский коллегиять кядьста кросса участвовандама (Саранск).
Фотосъ П. Ивановъ.

Кросса участвондась 324 ломань

324 комсомолец и аф союзнай од ломань Рузаевка ошса июнь 15-це шистонза примасы участия профсоюзно комсомольский кросса. Тя лувксты эзда 223 комсомолец, анокламок цебарьста тя мероприятия, максозъ I ступень ГТО значокс норматненъ, 24 комсомолец максозъ норматненъ II ступень ГТО-нь значокс.

Кроссть васенце шиц примасы массовой характер. Сонь эсонза ряпок комсомолецненъ мархта примосихть участия аф союзнай од ломаттне. 26 од ломань максозъ I-це и II-це ступень ГТО значокс норматненъ.

Кода няевсь, лама комсомольский организация кроссти вятеть тщательнай анокламань работа. Васень шинякиге обеспечивдазь сембе комсомолецненъ кросса участвондаманон. Железнодорожный училища (комсомольский организациять секретарец Костров ялгасы) участвондась кросса 183 юноша, конатненъ эзда пцтай сембе максозъ норматненъ.

25-це № почтовой ящик комсомольский организацияса сембоц комсомолецта 47 ломань, синь эздост 42 максозъ ГТО-нь значокс норматненъ. Лядыкс

ФИНИШСОТ

Ромодановский районъ комсомолецне и од ломаттне успешнайста ушедозъ профсоюзно-комсомольский кроссть.

Тя шиня эсь ловкостьснон, эсь вийснон и выносливостьснон няфтезь железнодорожный школань комсомольский организациянь комсомолецне.

30 комсомолец и од ломань финишти састъ эсь пингтост, максомок ласькомас коря норматненъ I ступень «Готов к труду и обороне» значокс.

вете комсомолецне, конат ты шиня работастъ, кросса кармайхть участвондама няшитненъ эзда. Комсомольский организациять секретарец Киселева ялгасы цебарьста организовандазень кросса комсомолецненъ участияснон.

Алятне ласьксты 3000 метрань дистанцияс, а ватне 1000 метрань дистанцияс.

Таяк жа шиня культурань и ваймамань паркть физкультурнай площадкасонза комсомолецне и од ломаттне максезъ ГТО-нь значокс норматненъ гранатометаниять коряс. 73 ломань примасы участия норматненъ максомаса.

Исяк кросса участвовандасть ошень и железнодорожный почтатненъ, паровознай депотъ комсомольский организациясна. Судейский коллегиясь работастъ цебарьста.



Профсоюзно-комсомольский кроссонъ дистанцияса Саранск ошень детский парка.

Фотосъ П. Ивановъ.

ВАСЕНЦЕ РЕЗУЛЬТАТТНЕ

Июнь 15-це шиц. Комсомолецне и аф союзнай од ломаттне ты шиня васьфтезь массовай профсоюзно-комсомольский кроссть.

Саранский районца кросса васенць шиня участвондась 23 комсомольский организация, коса, аф полный даннайхненъ коряс, участникта ульсь 522 ломань, синь эздост 331 комсомолец, а 192 аф союзнай од ломань.

Тя кроссь няфтезе, кода аноклафт од ломаттне оборонати и социалистический строительствати. Ласькомань норматненъ максозъ 319 комсомолец и аф союзнай од ломаттненъ эзда — 171. Кросса участвовандасть призывникт, синь сембе максозъ норматненъ.

Цебарь показательхть няфтезь Атемарский мединститонъ комсомолецне. Кросса участвондась 9 ломатт: 3 норматненъ максозъ отличнайста, а лядыксне цебарьста. Николаевкань средний школаста участвондась 77 ломань и сембе няфтезь аф калыдав показательхть.

Зыковаста комсомолец-призывникс И. А. Конновс 1000 метратъ ласькозе 2 минутаста 47 секундста. Цебарьста максозъ норматненъ Обмоловс, Головин Алексейс и лиятне. «Власть труда» колхозста участвондась 10 призывникт, конатненъ эзда сембе ласькозь дистанциять.

МАКСОЗЪ НОРМАТНЕНЪ

Аф калыдав результатъ няфтезь профсоюзно-комсомольский кроссть васенце шиц. Кадешкинаса 150-шка комсомолецс и аф союзнай од ломань максозъ норматненъ ласькомас коря ГТО-нь значокс.

Н. Кильдюшкин.

ВЕЛИКАЙ ПАТРИОТ

«Эряда дружнайста, ялгат, кельгость омбоце тядентень — пяхк вию социалистический родинаньконь».

М. Горький.

1891 кизоня Нижний Новгородста Волгатъ берякова мольсь Пешков Алешасъ. Царицынь маласта сон тусь Донть шири, тятя шахтерский станицатненъ вакса ётась Ростову, ётазе Украинать, ульсь Бессарабияса, Дунайть маласа. Крыть берякова пачкодъ Керченский проливти, тусь Кубани и Дарь-яльский ущельява и оцю пант-тненъ эзга сась Тифлису. Тяс, «Кавказ» газетать эса, кизода меле ульсь печатлаф сонъ васенце рассказон и васенцеда эвондась подпись: «Максим Горький».

«Рустъ эзга монъ якамазе, — сёрмадсь сяда меле Горький, — ульсь аф бродяжничества, а мялезель нямс, коса мон эрян, кодама народ монъ перьфкан».

Ся, мезе пайсь Горький, ульсь аф васенце знакомстве народнай эряфть мархта. Мастеровойнь цёрась, сон идькс пингстонза няенкшнзе народть трудонц и эряфонц и сонцьке кемерсь работамс ветошникос, «церанькс, кие ков кучсы», пароходса посудань штакшникс, шкайнянь рисовандама мастерскойса ученикок, грузчикок, садовникос, пекарькс, сторожкс, калонь кунчикс. Кемерсь содамс революционнай од ломаттненъ мархта, арестован-дакшневсь, ашесь тюрьмаса и марькфоль полицияти сонъ мельганза вачомда.

Горький мольсь родинанц кинзон эзга и странасъ, конац люшпатафоль каторжной одурящай труда помещикненъ и фабрикантненъ лангс, ранендафоль жандармский шапкаса, крхкаста лядондсть сонъ мялямозонза. Народть сембе ризфонза путерьксанъ шудсть сонъ панжада седиезонза. И Пешков Алешасъ арасъ Горькийкс — народти защитникос, сонъ воляс поддаманц инкса борепокс.

Горькийти оружиекс ульсь художественнай валсь. Эрь строканц мархта пикссь самодержавиянь, пели и подлай русский буржуазиянь, конац анок мимс и полафтомс странать. Народть эзда жа Горький лихтсь аф матови национальной гордостень чувства и пичедема эсь родинань инкса, конац тапаф эксплуататорхненъ рдазу кямосот.

Горькийть фкя рассказонза рабочайть-столярть Ефимть и сонъ азоронц — фабрикантть ётка лисенди тяфтама корхтама... «Тинь, азорхт, эрятада эсь удовольствиятень инкса, сатнемок эстейнтъ сембонь, мезе мялезонт, а государствать колга, Россиять колга кие тинь эздонт арьси?»

— Нораж, кода жа тон государствати мянь пачкодеть?

— А ёфси теждяста. Тинь коса эрятада — Россияса? Кинь эзда сембоса пользовандатад? Россиять эзда! А мезе тейнза максетяда?»...

Ефим эсь смелай валонзон инкса пови тюрьмав.

— Россиять люшптайнзон каршес Горький тюрсь аф ськамонза. Сон арасъ фкя ряде сятненъ мархта, кие пуропнезе пролетариатть — фкя инь революционнай классть социалисти-

ческий од Россиять инкса борецонь пяхк вию армиякс.

«Тейнек сембода пяхк сяряди нямс и чувствовать кодама насилият, гнет и издевательстват тиедихть минь прекраснай родинаньконди оязоронь палачне, дворятне и капиталистне».

Тяфта корхтась величайшай пролетарский вождь Ленин, конанди Горький арасъ маластонь другокс.

Сотомок эсь судьбанц пролетариатть и сонъ партияци судбасон мархта Горький арасъ революцияти певецокс.

Горькийнь «Песня о соколе» произведенийанц валонзон мархта — «О, смелай, Сокол, враненъ каршес тюремста шудсь верце» ушеткшнесь РСДРП-нь Бакинский комитетть Ладю Кепповелить шавоманц колга листовкац.

Горьковский Буревестникть валонзон мархта — «Батк сяда вишкста срхкай бурьясь!» — Владимир Ильич Ленин адела-зе «Перед бурей» статьяц.

Горький, сёрмадсь Ленин, «Кемоста сотозе эсь пиянц великай художественнай произведенийанзон эса Россияса и сембе мирса рабочай движениать мархта».

1905 кизонь декабрьский вооруженнай восстаниянь шитненъ пингста Горькийнь квартираса аноклакшневсть бомбат, пуромкшнестъ рабочай дружинацие. Горький лездсь восставшайхненди сатоме ярмакт и оружия. Революциять пораженияц сонъ ашезе абонфта. Тейнза аф эсь мялсонза арасъ тумс гранипать омбокс и тосонга ашез лоткс паризмать и буржуазиянь художественнай валонь оружияса керомдонза. «Враги» пяхк цибярь пьесасонза Горький няфтсь смелай и благороднай борецонь рабочайнь типт, и мекольденъ спенать эса корхтась синь колгаст: «Ня ломатне сясыкихть!»

Горький возвеличил русский революционнай пролетариатть, конань цибярь чертанза максф «Мать» романть геройнзон — Павел Власовъ и Ниловнать образсон эса.

Валонь гениальной художникть эряфоц аф явштовиста шоворсь марс пролетариатть и сонъ передовой отрядонц — большевикненъ эряфсон и туремасон мархта. Алексей Максимович гордился большевистский партияти маласа улеманц мархта. V-це съездть (лондонский), работаса участвовандаманц) колга сёрмадсь: «И — вдруг, кода ёфкса, мон Российский социал-демократический партиять съездеонза. Конешна праздник!».

Писательть-борецть, кона надиясь, што Россиять будущайц — пролетариатть кядьса, ашезь кельге Россиять временнай «азоронза», «нильгодемс топотыф властть эзда прохвостне». Синь трнатозь ванить сонъ эрь аськолксонц мельге. Горький озсесь поездс — и синь эстакиге кучсестъ телеграммат: «Ноябрь 8-не шистонза Москва Криму почтовайса арды Максим Горький писательсь. Кинь кувалмос могут улемс демонстрацият».

Синь кирдезь сонъ полицейский надзор ала, арестован-дакшневъ, прважакшневъ ичкозденъ провинцияв, кяшен-дезь Петропавловский крепостть Трубецкий бастиононц кевонь стенанзон эшкс, но мезенди-вок ашезь сидев Горькийнь пяхк вию дуох! «Ломанц кулы, народсь бессмертнай», — корхтась сон, верондамок сянди, што революциять лоткафтомс аш кода и што Россиясь арай пролетариатти социалистический отечествакс. Пяхк цибярь предвидениякс кайгсть «Мать» романть строканза: «Кодама цибярьхть ломатне, Ниловна! Мон корхтан од рабочайхненъ колга, конат кемот, чуткайхть, пяхксет мялда, штоба сембонь шарькодемс. Ванат лангзост и найсак — Россиясь ули модать лангсонза сембода яркай демократиякс!»...

Революционнай бурьясь, конанц тернезе Буревестник — Горькайсь, вишкомсь. Великай Октябрьский социалистический революциясь саськс. Странать

эса, конац арасъ трудяшайхненди подлиннай отечествакс, келиста келемсь социалистический строительствась.

Горький арасъ од эряфонь тиыхненъ ингольденъ рядозост, сонъ защитниконзон васенце шеренгазост. Сон эрясь, трудендась, тюрсь, «кода ломань, конанди народонц павазон ащи тейнза радостеке и павазкс».

Горькийть вайгялец кайгсь сембе мирть келес, тапсемок Советский Союзть колга буржуазнай васькафнеманъ ядугуматтненъ. Сонъ валонц няфнезе прогрессивнай и передовой человечествать инголе величиянц и значениянц сянъ, мезе СССР-са. Сембода пяхкшнасъ Горький партиять мудростенц, кона кепсесы миллиотт ломань творческий трудти: «Минь выступандатама странаса, кона валдонц Владимир Ильич Ленинть генийсонза, коса аф сизсезь и чуждействена работай Иосиф Сталинть железнай воляц».

Горький тисъ революционнай публицистиканъ величайшай образецт. Тяс эрь валонц валдонты родинати кельгомаса и палы сонъ врагонзонды ненавистьса. Горькийнь статьяца «Десять лет», «О действительности», «Пролетарская ненависть», «Если враг не сдаётся — его уничтожают» и лиятне ульсь советский патриотизманъ манифестокс.

Горький пяхк кельгозе Советский родинать. Сон содазе эсь странанц стане, кода ашезе сода русский писательхненъ эзда фкявок, и оржаста ванць сонъ социалистическайкс тиёмаса грандиознай работать мельге. Кафксть — 1928 — 1929 кизотненъ эзда — Горький тиендсь лама пингонъ поездкат СССР-ть эзга, улендемок лама ся васттненъ эса, конатненъ эзга мзярда-бди ётась ялга. Странать шамат ёфксекс полафтьсь вишкста. Окурофнень шобда, юмама-арама катф опхасонвакса пиндолдсть социалистический ошненъ толсна. СССР-са революциянь кизотненъ эзда созданнайсь, Горький сёрмадсь, «сембонь коряс сяда красноречивайста корхтай Союзть народонзон даровитостьсон колга, сонъ тру-

довой героизманц колга, што минь странасонк трудсь арьси искусствакс, сянъ колга, што Советский Социалистический республикантненъ пролетариатсна, кона руководендай Ленинонь учениянц и партиянц, Иосиф Сталинть сембе сяда касы энергиянц мархта, тии од культура, трудовой человечестванъ од история.

Стака нинге лувомс тефнень, конатненъ ушеткшнезень и мольфтезень Горький. Сон создалама од журнал и издательства. Горькийнь инициативанц коряс, конанц одобрил партиять Центральной Комитетонц специальнай решениясонза, составляндави «СССР-са гражданский войнать историяц». И рякок тивъ мархта великай писательсь сёрматкшнесь фкя-фкянь мельге художественнай вийсон коряс исключительнай произведенийанц. Монументальной романонц «Жизнь Клима Самгина» няфтезе Россиять нилегемонь кизонь правдивай художественнай историянц.

Горький од ломаттненъ тонафтозень кельгомс родинать и трудендамс сонъ пользазонза. Советский гражданстванъ оцю чувства сон сувафнесь минь од ломаненьконди. «И вов од ломаттненди тюрезь сатф отечества. Синь, од ломаттне — огромный и пяхк козя страна-ти полнай азорхт... Горький кемотть статья и сидот сёрма сёрмадсь од ломаттненди. Алексей Максимович поддерживал комсомолть эрь ушетксонц. Седиса вечна од, сон кенярдема мархта ванць од ломаттненъ сатфксонон мельге и сёрмадсь: «Сембе сяда увереннай и кеме од ломаттненъ аськолксна, и сяда валдста палы синь сельмосот тяфтама странаса эрямс радость, коса стама вишкста и мазыста воспитандави телаче и стама толкс палы, што победоносна панжи эсонза боевой, героический дух».

Минь великай родинаньке ульсь Горькийнди арьсеманъ эряфс етафтоманъ странаке. Сон афкукс арасъ модать лангса инь валда демократиякс.

Гениальной писательсь афоль стякшнев ни вастонц лангста, мзярда «Правдась» печатлазе Сталинский Конституциять проектонц. Юкстамок сярятьфонц аф ёрамок улемс постельть ваксса пленца, Горький кирдсь кеме соткс народть мархта, мольсь великай отчизнанц эряфонцы и пиндолды сельмоса корхтась социализмать победанзон колга.

Улемок пламенной патриотокс, социалистический строительствати певецокс, Сталинтти другокс, Горький ульсь ненавистнай родинанъ троцкистско-бухаринский изменникненди. И синь злодейски кулофтозъ сонъ.

Но аш кода шавомс Горькайнь валонц! Кемоста кайги Горьковский клятвась.

«Кда срхкай война ся класеть каршес, конанъ вийнзон мархта мон эрян и работан, — мон тожа туян рядовой боецокс сонъ армиязонза. Молян аф сяс, мес — содаса, именна сон сясыки, а сяс, мес Советонь Союзть рабочай классонц великай, справедливый тевоц — тя монъ законнай тевозе, монъ долгозе».

И. Ротин.

ВЛКСМ-нь ГОРКОМТЬ ПЛЕНУМСТА

Июнь 14-не шистонза аделавсь ВЛКСМ-нь Саранскийнь горкомть 3-це пленумоц.

Васенце кизефксть коряс ошень комсомольский организацянь эса пропагандать и агитациянь колга доклад тись ВЛКСМ-нь горкомть секретарь Потемкин ялгась.

Сяда меле, кода лиссь свете «ВКП(б)-ть историянь краткай курсоц» и пропагандать колга ВКП(б)-нь ЦК-ть постановлени, комсомольский активсь кармасть тонафнема тя исторический документь. Сембоц самостоятельна тонафнесазь «Краткай курсть» 850 ломань, синь эздост первоисточникнень коряс тонафнесазь 76 ломань. Аф сатомшкаста грамотнайхенди организовандафт «Краткай курсть» тонафнемань и полиграмотать коряс кружокт.

Улихть лама комсомолецт, конат цебарьста работайхть первоисточникнень лангса. «Эрзянь коммуна» редакциянь комсомольский организациянь секретарь Лукьянов ялгась работай Сталинонь и Ленинонь трудено лангса. Сон лувонь: «Что делать?», «Шаг вперед и два шага назад», «Что такое «друзья народа» и как они воюют против социал-демократов» и лият. Сидеста тиенди докладт разнай темас, кода Н. Островскийть колга и ст. тов.

Аф кальдявста работай эсь лангсонза УНХУ-нь комсомольский организациянь секретарь Соколова ялгась. Сонць цебарь производственница, сембе комсомолецне организациясь тонафнесазь «Краткай курсть». Котониннай фабрикань комсомольский организациянь секретарь Ворожейкин цебарьста работай производстваса, аф кальдявста тонафнеса партиянь историянь. Котониннай фабрикаса мянь тя пингс кальдявста ладьяфоль пропагандистский работась. Тяни ламоц комсомолецне тонафнесазь «Краткай курсть» самостоятельна, а кие не может тонафнема самостоятельна, сятненди организовандась кружок партиянь историкнень тонафнемань коряс.

Можна няфтемс лама комсомольский организация и башка комсомолец, конат цебарьста касфнесазь эсь политобразованиясь. Аф кунара Саранскийса панчф комсомольский активонь школа. Секретарьхне оцю мяльса тонафнихть тя школаса. Но улихть секретархть, кода Егоров (хлебокомбинат), Лаптева (горОСО) и лият весть молюсь и лоткасть, — аш мяльсна тонафнема.

Аш кода марьгомс, што сембе комсомолецне фатяфт политический тонафнема. Саранскийста 207 комсомолец апак фатяфт политический тонафнемань кодамоков формаса. Иден паркть директороц Сысеев комсомолецсь и лия комсомолецт Лаптева, Асеев, Мысин лувондсаз аф эрвиксонди кепотемс эсь политический грамотностьсь.

Пропагандать и агитациянь коряс горкомть комиссияц и сонь председателец Пискунов ялгась эфси сязевсть пропагандать и агитациянь мархта руководствать эзда.

Итнень мархта кизонь работать колга доклад тись Дорожкин ялгась.

Тя кизоня ламода кассь итнень успеваемостьсна. Кассь школаса комсомольский и пионерский организациятнень рольсна.

Кда Саранскийнь школатнень эса успеваемость 86,2 процент, то комсомолецнень успеваемостьсна 91,4 процент, а пионерхнень — 95 процент.

Преподавательхне кржа шарфнихть мяльда внешкольной работати. Школатне кальдявста нинге кирдихть сотке ученикнень родительснон мархта. Предприятиятнень эса аф панчсихть форпостт. Котониннай фабрикаса панчсесь форпост, но комнатать сязовзь квартиранди.

Горкомть школьной комиссияц аф вяти руководства итнень воспитандамаса. Кальдяв работать сюнеда Саранскийса 6 тежяйтть ученикть эзда 266 катфт второгондиокс, 509 ученик этафиф сёксенда испытания мархта.

ЛЕРМОНТОВСКАЯ ШИТНЕНДИ

Аноклайхть юбилейти

Рыбинский средний школань ученикне вишкста аноклайхть величайшай русский поэтть М. Ю. Лермонтовть кулома шистонза сязомок 100 кизонь топодемати.

Лама ученик аноклайхть декламацият.

Леша Атишев.

Фото и книжный выставкат

Малаткшихть лермонтовский шитне. А. С. Пушкиньт лемса Центральной библиотекас (Саранск ош) аноклай фототыставка.

Тяда башка, ули тиф производениязонды выставка. Выставкаса няфтьф производениязон эткса: «Герой нашего времени» романоц, «Демон» и «Песня о купце Калашникове» поэманза и лама лият.

Чернов.

Поэтть произведенияза мокшень кяльсост

Мокшень поэттне тяниень пингть молифтихть оцю анокламань работа М. Ю. Лермонтовть кулома шистонза сязомок 100 кизонь годовщиначь топодеманчты.

Дурнов, Бебан, Пьянзин поэттне этафтсазь мокшень кяльс Лермонтовть лама произведениязон. Синь этксост: «Бородино», «Беглец», «Песня о купце Калашникове» и лама лият.

ПУШКИНТЬ ТВОРЧЕСТВАНЦ КОЛГА ДОКЛАД

Аф кунара Сире-Синдровский средний школаса ульсь этафтьф вечер, ковац лемтьфоль А. С. Пушкиньт шачема шистонза сязомок 142 кизонь то подемати.

Вечерса ульсь Пушкиньт эривонц и творчестванц колга доклад, конань тиезе средний школань рузонь кялень и литературань преподавательсь А. П. Денисовась.

Докладта меле ульсь няфтьф «Дубровский» кинофильмась.

ФЗО-в призывсь аделавсь

Саранский районца аделавсь ФЗО-нь школатненьди призывсь. Призывной комиссиясь примась тонафнема 107 доброволец, конатнень эзда 70 процентсь комсомолецт.

Вов мезе сёрмадсь районнай призывной комиссияти комсомолецсь-колхозниксь Буралкин Александрь: «Эняльдянь районнай комиссияти примамс монь ФЗО-нь школав, конац тейне ули пяк оцю радостекс мяльнень пашкодемаса. Макссьян вал, макссевич поручениятнень пашкотыкшнемс точнайста и аккуратнайста. Макссьян вал тонафнема анычек отличнайста и цебарьста, а школать аде-

ламдонза меле честнайста пашкодсь эсь долгозень советский родинаць инголе. Пяв эняльдянь, штоба прималемасть». Тяфтама жа заявленият сёрмадсть Саюшев Петрьс, Васьуркин Григорийсь и лиятне. Комиссиясь синь эняльксон пашкодзень.

Кенярдзэ эсь идсьон ильхтсазь ФЗО-нь школас колхозникне и колхозне. «14 лет Октября», Чапаевть, Куйбышевть лемса, «Память Ильича» Протасовский сельсоветонь лия колхозне ФЗО-нь школав примафненьди рамасть ни щапт и лия вешат.

Харитонов.

Мезень колга сёрмадыхть боецти

Алексей Карасев боецьс — боевой и политический подготовкань отличник. Доблестнай Якстерь Армиять рядонзон эса служай аф кунара. Аф ваномок тянь лангс, сон пяк цебарьста тонадозень боевой винтовкаць, станковой пулеметть и нинге лия сложнай оружат.

Аф кунара сонь этафтозь сязевсь взводс. Тяса сон тифта жа оцю мяльса кярьмодсь сязевсь тевть тонадоманчты.

Карасев цебарьста содасы, што боецти эряви улемс фалу анококе любовью неожиданносттненьди и командованиять приказонзон пашкодемасонды. Боевой учебати Алексейть мяленц касфнесазь тядянь, брадонц, сазоронц и ялганзон мархта фкя-фкянди сёрмань кучсематне.

Боецьт тядянь колхозница-скажительноца и сидеста цёранчты сёрмат кучси мороса, конатнень эса кайги радостсь родинаць, Якстерь Армиять и цёранч инкса. Рязок колхознай эрйфса од кулатнень мархта боецьт тядянь — Ксения Карасева кизефни.

О себе пиши побольше. Интересно нам все знать, Честно служишь ли народу, Успокой ты свою мать.

Растут новости в Усаде — Дело к лучшему идет. Хлеба много, живет дружно. Наш напористый народ.

Тядясь интересовандакшни сембонь мархта и цёранч ответонза пяк тушендыхть мялезонза. Сяда тов сон сёрмадсь: «Кудсонк минь, цёрай, сембось порядкаса. Мон радан, Ляня, што тон служат од республикаса. Тейть эряви улемс цебарь боецкокс, штоба тон маштоль врагть пиксома».

Вов тядянь нинге моронза: «— Ты гордись, что проводила На защиту сыновей,

Старший Павел будет доктор. Он бойцов будет лечить, Алексей же — пулеметчик, — В неприятеля строчить.

Твой отец все утешает: «Не тревожься, не скучай, Наши дети не допустят К нам врага в родимый край!»

Сяда тов сёрмась корхтай сянть колга, што колхознай эрйфса скучендакшнемс аш мзярда.

Брадоц Павелсь тонафни военно-медицинский академияса. «Паравал, Алеша! Мон аф кунара получайне тонь сёрмаценць. Пяк радан, што тон примернай боецат. Родительне минь эрйяхть цебарьста. Катя сазороньке тонафни школаса отличнайста. Мон пяк довольнаца. Содайне, што тон цебарьста тонафнема башка тонадоть автомашинань вятнема. Вов тя отлична, кельгома брат. Тонафнемазе моли цебарьста. Курок карман фкя дисциплинась коря экзаменонь максома. Кизонда куду аф молян, сяс мес сентябрь 1-це шиниць кармай улема практика, а меле выпускной государственнай экзаметт. Тят ляткшнее боевой подготовкаса. Пашкотыкшнить командирхнень приказонь аккуратнайста».

Горький ошта боецти сёрмат кучси сазороц Ленась. Сон тоса торфразработкань стахановка. «Кельгома, Ляня! Тейне сёрмадсть кудста, што тон служат од республикаса. Тя пяк цебарь. Надиятама, што кармать службама стане, кода минь работсетам».

Тяфтама патриотический сёрмада Алексей получакиши лама. Синь вдохновляють боецьт армейский эрйфса цебарь сатфксенди.

Савенков красноармеецьс, Дм. Усад веле, Атюрьевский район.

ШКОЛЬНОЙ ПЕРЕСА

Вов школьной пересь. Тяса эрь шиня моли весяла работа. Юнаттне средний школать директоронц Е. Н. Келин ялгать руководстванц вельде касфтыхть перень сёронь разнай культурат. Синь тиендихть практический опытт, лездыхть колхозти.

Тядде тунда школьной перети озафнесь плодовой од шuftонят: марлюфт, вишнят, само-

родинаць и ст. тов. Школьной переть перязь келуниса, топольнаца.

Оцю мяльса юнаттне якайхть лекарственный растениясьон мельге. Фкя валса азомс, школьной переса юнаттне работайхть заботендазь.

Синякин.

Кадошкинский район. Глушкова веле.

Фильмат и операт

Культурнайста и весяласта этафнесазь свободнай пингснот Рузаевка станциянь железнодорожнике. Клубсост оцю интереса ванондыхть кинокарти-

нат и спектакльхть. Тяни молифтихть операт Московский театрать гостроленза.

Рузаевка ош.



Забайкальский военный округт Н-ский частьсонза тактический занятиятне.

СНИМКАСА: Боевой и политический анокламаса отличникт комсомолецт-сержантть П. М. Васянинть (жержи ширеса) передовой орудийнай зенитнай расчетоц ляценди штурмовой авиациять лангс.

Фотось И. Бондаренкоть (ТАСС).

ПАРКНЕНЬ И СТАДИОТТНЕНЬ ЭСА

КУЛЬТУРАНЬ И ВАЙМАМАНЬ ПАРКТЬ ПАНЖЕМАЦ

Ваймама шиня вете частста Саранск ошень лама трудящай мольсть культурань и ваймамань парку, штоба ётафтомс цебарьста эсь свободнай пивг-снон.

Парксь ульсь анок панжеманцы. Сягярьготф шуфттне танцикс тиендэзь кофть.

Кодак аныцек суват парку,

сельмозт пови танцевальной площадкэ, кона ульсь пшк-се од ломаньда. Синь музыкэ корас плавнайста танцован-дасть.

Сяда тов молемок мусак читальнять, а тоса и театраль.

Парктэ эстрадань эса выступили хорхт, конат морасть лама советский морот.

„Спартак“ — железнодорожный училища
„Динамо“ — „Локомотив“

Ваймама шись кандэс лама спортивной новостта. Рузаевка ошса будущай железнодорож-никнень футболистна налх-кэст спартаковецнень мархта.

Железнодорожный училищань юношеский командась нинге од, сяс и нолдас эсь сетказонза фкя гол, а сонць «противникть» ортас фкявок ашэзь сувафта.

Интереснай ульсь налхко-мась «Динамо» и «Локомотив» юношеский командтнень ёт-кэс. Синь сидеста пачкоткш-несть фкя-фкянь ортатнень вакс. Налхкомась аделавсь 3:2 лувксса «Локомотивть» пользас.



СНИМКАСА: Культураль и ваймамань паркса театраль.

Фотось Ивенинтъ.

Од кинотеатр

Июнь 20-це шинцы куль-тураль паркса кизонь од кино-театраль ули панчф. Сонь эсонза кармайтхь няфневома од фильмат.


Театрса сембоц 400 васта. Сонь строямсонза работатне мольфетвэсть кафкса кофт.

Помещениать наружностен пняк красивый.

Читальня

Ряпок танцевальной площад-кэ мархта ащи кизонь чи-тальнясь. Тяса можна лувомс свежай газетат, журналхт. Центральнай библиотекась организовандай выставкат пана-нинецнень, Горькийть, Лермон-товть, Белинскийть, Чернышев-скийть колга. Тяда башка ку-роковнь пивгть ули организо-вандаф выставка большевист-ский партиять историйяц ко-ряс.

Центральнай библиотекась маластонь пивгть ётафты лек-цият Пушкинть и Лермонтовть колга.



15-це июньта Саранскийса панчф культурань и вайма-мань детский парксь.

СНИМКАСА: Итне паркса.

Фотось П. Изановть.

ЕВРОПАСА, АФРИКАСА И АЗИЯСА ВОЙНАСЬ

(14-ге и 15-це июньта военнай действиитнень дневниксна)

14-це и 15-це июнень карша веть германский самолеттне бомбардировандазь портовой сооруженийитнень Темзат устья-са, а тяфта жа военнай предпри-ятия и аэродромт Южная и Восточная Англиять побереж-ьясонза.

Английский бомбардировоч-най авиациянь оцю вийхне 14-це июнень карша веть тисть налет Брестса докнень лангс. Ульсь ёрдаф лама оцю калибра-са бомба ся васту, коса якорь-са ашэсть германский лин-корхне «Шарнгорст» и «Гней-зенау», тяфта жа германский крейсерсь «Принц Евгений». Тяда башка, английский ави-ациясь бомбардировандазень Рурть промышленной объекто-зон. 14-це июньта валдашко-дома лангс английский само-леттне атаковандазь порттнень, конатнень оккупировандазь не-мелне.

Средиземнай моряса военнай операцият молифтихть воюющей ширетнень воздушнай вийсна. Итальянский авиациясь 13-це июнень карша веть бомбарди-ровандазень Гибралтарть. Рейтер агентствась, пачфнесы тянь колга, корхтай, што бомбарди-ровкась изь ти кодамовок ущерб.

13-це июньта шить герман-ский бомбардировщиконь сое-динениясь атаковандазень Кипр английской островса военнай сооруженийитнень. Английский самолеттне тага тисть налет Ро-дос итальянский островть лангс.

Севернай Африкаса молиф-тихть действия авиациясь и артиллериясь. Восточнай Аф-рикаса, Абиссинияса мезевок существеннай ашель.

Сирияса, кода пачфнесы Га-вас—ОФИ агентствась, фронтть различнай участванза англи-чатне ламода вийафтозь люп-штамасон. Французский ко-мандованиять сводкасонза корх-тави, што 13-це июньта ан-глийский войскактнень удадась заняме Сайда ошсь.

Ассошиэтед Пресс агентст-вать валонзон коряс, фран-цузский войскактне эвакуи-ровандазь Кисветь (Дамаскть эзда 10 километрат юг шири).

Английский командованиять представителец Рейтер агентст-вать корреспондентониты азон-дозе, што англо-деголлевский войскактне сембода сопротивле-ния васьфнихть Дамаскть рай-онца. Прибрежной районца жа сопротивлениясь сяда лафча.

(ТАСС).

ТЕАТР

„С а ш к а“

Мордовский Государственный театр инь мекольдэнь налхкф премьерач «Сашка». «Саш-кась» «Поздняя любовь» поста-новкэть путомдонза меле ащи инь удачнайкс.

«Сашкаса» аш лишнай ко-мизма, аш уцез комический трагокачестват. Удачнайста няфтезе Сашкэть образонц МАССР-нь заслуженнай ар-тистсь Колганов. Сонь налхко-манц эзда зрительсь нийсы Саш-кэть, кода аф ламода нервнай, горячай, а кой-коста грубай ломанень, но сон педа-пес обя-тельная, упорнай, кода науч-най работник-коммунист, борец шарлататтнень и бездельни-нень каршес, конат шорсикхть советский наукать сяда тов вишкста касоманцы.

Цебарь и красочнай обраст спектакольть эса няфетсь Агев-нина (Ксения), Костюшов (Саш-кэть алян), Видманов (Борис Васильев), Депутатова (Зина), Зиновьев (Николай Ковров) ар-тисттне и артисткане. Аф калдывста налхкозе эсь эпизо-дический роленц Тягушев ар-тистсь (домоуправлениять пред-седателец).

Большаков артистсь полнай-ста няфтезе зрительти Ворон-цовть образонц, кода бездар-най, пустой личностень. Ворон-цовсь сембе эсь карьеранц тиендэс лама корхтаматнень вельде, конатнень парткомонь секретарсь Кругликов примосе-сьне виденди и лувондсы Воронцовть сембода активнай и цебарь коммунистоке партий-най организацияса, бессозна-тельнайста лезды тейнза «ку-цемс наукать копоренц лангс».

Сембонь тянь убедительнай-ста няфнесы артистсь. Ворон-цовть внешностец тиф аф пняк реальнайста. Сонь прысон-за аф естественнай формаса шляпа, конань алда нюрки казаконь чупон. Тя аф прокс виде. Воронцовсь пцтай сембе ширде эсь внешностсонза под-ражает высоко-культурнай и интеллигентнай ломаненди.

Аф педа пес и аф пняк уда-даф партийнай комитетть се-кретаренц Кругликовть образонц няфтеви (артистсь Асташкин). Асташкин артистсь Кругли-ковть тиендэс глупайкс. Тя ёфси аф виде. Аф сави лама корхтамс, што Кругликов по-литически близорукай, аф гра-мотнай и аф пняк культурнай, но аф глупай, кода налхксы



СНИМКАСА: Иден паркса скульптурась.

Фотось Ивенинтъ.

Асташкин. Артистти ашэсть няфтез Кругликовть характер-най чертанза, што сон максим-оцю доверия и поощряет бол-туттнень, аф нийсыне и аф старандай няемска сят аф



партийнай большевикнень, ко-нат честна макссесазь сембе эсь вийснон, сембе эсь способ-ностьснон наукать касоманцы.

Аф ваномок аф сатыкснень лангс, сембе сяка зрительсьв оцю интереса и оцю мялса-ваны постановкэть эса. «Саш-кэть» путомац келептезе Мор-довский театраль репертуаронц актуальный, злободневнай темас-коре спектакльса. «Сашкада» башка мекольдэнь колма коф-нень пивгста сценань ниле премьератнень эзда кафтне русский классикнень, фкясь западно-европейский и аныцек фкя ульсь современной.

«Сашкась» няфтезе цебарь-ста, кода кирнесазь наукать касоманц невеждатне и кодама оцю вий васьфнихть ня невеждатне минь партийнай и аф партийнай ломаненьконь ширде.

Балт.

Иден паркса

Живописнай вастса, кода, марьгат, вирьса ащи иден парксь. Минь странань итне, конатнень колга пняк оцю забо-тась, культурнайста могут вай-мамс, кемокнемс эсь шумбра-шиснон физкультураса и спорт-са занимадэзь. Тяса цебарь спортивной площадка, конань эса футбольнай пакся, волей-больнай площадка. Ваймама-шиста футбольнай паксяса ульсь спортивной праздник. Юнай футболисттне няфтез эсь мастерстваснон футболса налхкомаса.

Кафта частста васедэсть иден парконь и «Динамо» общест-вань иден командатне. Налх-комась няфнесы, што итне спортонь ти видть—футболть пняк кельксазь. Налхкомась аделавсь 4:1 лувксса динамо-вецнень пользас.

Ниле частста «Буревестник» обществань иден командась налхксь «Спартак» обществань иден командат каршес. Налх-комась аделавсь 3:1 лувксса «Буревестникть» пользас.

Помла идиятненьди ульсь ку-кольнай театр.

Ответ. редакторсь И. ЧУДАЙКИН.